

da l'imperador, Capua non pol, ha gote, Brandizo è amalato, Chieti non vol per esser inimico de cardinali, ma se tien manderà el protonotario de Gambara, è governador a Bologna. Scrive, il papa li ha ditto, el re de Franza vuol venir a tuor el Stado de Milan et che madama sua madre lo conseia dicendo ha assà fioli, bisogna aquistarli Stado. Et che lui papa ha fatto dir al duca de Milan se maridi presto se'l dovesse tuor una vilana, perchè havendo fioli torà di pensier a molti di haver il suo Stado. *Item*, è nova de Inghilterra, il re ha fatto metter in fondi di torre el cardinal Eboracense, chi dice per haver trovà certe lettere che 'l scriveva al papa per rehaver la legation di Anglia, chi per favorir ancora il divortio di la raina.

Vene in Collegio sier Nicolò Magno, stato governator a la Zefalonia per danari, in loco del qual andoe sier Sebastian Contarini, et referite; iusta il solito laudato dal Serenissimo.

Da poi disnar, fo Conseio di X, con la Zonta, et stèteno fin hore 5 di note.

Fu preso certa parte di Cipro, di quel Poldacataro, che 'l dagi ducati 5000 per certo casal, con condition *ut in parte*.

Item, fono sopra le cose di Anglia di conségii hauti el suo orator, et è andato in Inghiltera.

Item, fono in gran disputation in materia di Roma, secretissima, *nescio quid*.

In le do Quarantie, per i Loredani, fo compito hozi poi disnar di parlar domino Alvise da Noal dottor, avvocato di sier Luca Loredan, et vene sier Giacomo Badoer consier da basso, perchè la leze vuol sia tre Consieri, el qual mai è stato al caso. Et cussi a hore una di notte, fu messo prima per sier Marchiò Michiel et sier Zuan Dolfin, *olim* avogadori di Comun, di procieder contra sier Andrea Loredan fo podestà et capitano di Crema qu. sier Bernardin, et ave: di la parte 37, di no 18, non sincere 8, che summano 63. Poi fu poste 3 parte. La prima, per sier Giacomo Badoer, sier Agustin da Mula, consieri, sier Beneto da Mosto cao di XL, che 'l ditto sia privo di la podestaria de Brexa, dove è stà electo, privà di tutti ofici et regimenti da terra et da mar per anni 5, et stagi in prison serado fin el pagerà tutto quello sarà iustificà per li Avogadori sopraditti haver per tal modo tolto a Crema, et sia publicata el primo Gran Conseio, su le scale di Rialto et di San Marco et

85* in la città di Crema. *Item*, sier Francesco Donado el consier, sier Nicolò Bondimier, sier Nicolò Salamon, vicecai, messeno voler la sopradita parte,

ma sia per anni 10, cum le altre clausule *ut in ea*. *Item*, li do Avogadori di Comun messeno fuseno banditi in perpetuo, *ut supra*. Andò le parte: la prima volta, fo 9 di Avogadori, 22 del Donado, 25 del Badoer . . . ; *iterum* ballotà le do: 37 del Badoer, 22 del Donado. Et fu presa quella di anni 5.

Poi fu posto procieder contra sier Luca Loredan, fo podestà et capitano a Crema et era al presente, et preso di largo, ave: Fu posto

A dì 11, *domenega*. La note fo gran pioza; la matina, et quasi tutto el zorno et la sera gran vento. In Collegio si attese a dar audientia. Non fo alcuna cosa di novo.

Da poi disnar, fo Gran Conseio. Vene il Serenissimo et 4 Consieri, mancò sier Andrea Mudazo et sier Alvise Mocenigo el cavalier, el Minio et Moro restò pur a la banca. Fu fatto 9 voxe per do man.

Fo publicà, per Alvise Balbi nodaro a l'Avogaria, le do condanason fatte heri in le do Quarantie contra sier Andrea Loredan et sier Luca Loredan, fono podestà et capitano di Crema, per il pieder di sier Marchiò Michiel et sier Zuan Dolfin, *olim* avogador di Comun in questo caso. La copia sarà qñi avanti scritta.

Fo publicà, tutti quelli hanno Monte novissimo et Monte di Subsidio a ducati 47 et ducati 48 il cento, vadino ai Provveditori sora i Monti a tuor li soi danari, perchè non li corerà più il prò.

Die decimo decembrio 1530, in Quarantiarum 86 duorum Consilio.

Quod iste vir nobilis ser Andreas Lauredanus sit privatus per annos quinque de omnibus officiis et regiminibus de extra, tam a parte terrae quam maris, et etiam ex regimine Brixiae, ad quod electus fuerat. Et ulterius ponatur in uno carcerem, in quo stare debeat clausus, et ex illo non exeat nisi cum integritate exbursaverit in officio Advocariae omne et totum id quod iustificatum fuerit per Advocatores praesentis causae pro contentis adhuc in processu ipsum indebite accepisse exeuntem in regimine Cremae tam pro condemnationibus quam aliter, et pecuniae quas exbursabit in officio praedicto transmittantur ad potestatem et capitaneum Cremae, distribuendas illis a quibus indebite acceptae fuerunt, teneantur que pari modo resti-